

30. maj

Qanoq iliornikkut sulinerup imminut akilersinnaasunngorlugu aaqqiivigineqarnissaa, isumaginninnikkullu ikiorsiissutit sulileqqinnissamut aporfijunnaarlugit aaqqiivigineqarnissaat pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Anthon Frederiksen, Partii Naleraq)

Siumumiillu imatut oqaaseqassaagut.

Siumup tungaviummik anguniagaraa nunatsinni innuttaasoq kinaluunniit imminut napatinnissaminut sulinnikkullu inuiaqatigiinnut pilersueqataanissaminut pisussaasutut aqutissiuunneqassasoq, inuttullu nukittorsarneqarnissaq pisariaqartinneqarpat aamma tamatumunnga aqutissiuunneqassasoq, inuunerup imaqarluartumik ingerlaqqinnissaanut inuiaqatigiinilu pilersueqataanissamut akisussaaqataanermik aamma tigussissalluni.

Oqallinnissamik siunnersuuteqartutuulli isumaqarpugut sulineq imminut akilersinnaasariaqartoq tamannalu anguniarneqassappat inuiaqatigiinni suliffissat ataavannerusut aqutissiuunnissaat aamma sulissutigiuannartariaqarpoq inuiaqatigiinni atugarissaarnek ullumikkornit appariassanngippat inuit sulisinnaasut tamakkerlutik sulinnissaat anguniartariaqarmat saneqqunneqarsinnaanngilaq sulineq imminut akilersinnaasoq pisariaqalermat, tamannali aqqissuusseqqinnissamik pisariaqartitsivoq.

Taamatuttaaq oqallinnissamik siunnersuuteqartumit sulinerup akilersinnaasunngortinnissaanut tungavigisamini isumaginninnikkut ikiorsiissutit sulileqqinnissamut aporfiusarnerat tungavilersuutimini saqqummiuppaa, ullumikkut inatsit atugarput maani inatsisartuni suliaavoq aamma maani allanngortinneqarsinnaavoq soorunami nalilersorlugu, isumaginninnikkut ikiorsiissutit inatsisitigut periarfissaasut sulilernissamut aporfippata aaqqiiviginiarlugit oqallinnissamik siunnersuut periarfissiilluarmat qujarupparput.

Nunatsinni suliffissaaleqineq atuukkaluartoq ilaatigut tusartuarparput sulisussaaleqineq aamma ajornartorsiutaammat nunatta ilaani ajornartorsiut ukiuni arlalinngortuni utikaajaartumik ajornartorsiutaavoq, inuit suliffissaaleqisut suliffimmut ikaarsaariarnerminni pitsaasumik atugassaqartinneqarnissaat pingaarutilerujussuavoq, inatsisitigullu aporfissaqarpat aporfiusut minnerpaaffimminniitin-

nissaat aqutissiuunneqartuaannartariaqarpoq inatsisimmi naassaanngitsumut allanngortinneqarsinnaanatik atuuttanngillat inuiaqatigiinnilu killiffitsinni aporfiusut minnerunngitsumik suliffeqarnerup kajungernartuunissaanut aqutissiuunneqartuariaqarput naleqqussarlugillu.

Naluneqanngilaq **suliffeerunnermi pisortat annertussulieriikkamik ikiorsiisarnerat pillugu inatsisartut peqqussutaat** malillugu suliffissaarunnermi ikiorsiisoqartartoq aamma paasissutissat inummut namminermt tunngasut aallaavigalugit suliassat suliarineqartarlutik aamma aningaasatigut qanoq naatsorsorneqartarnerat ersarissumik peqqussummi nalunaarsugaallutik. Taamatullu aamma **suliffeqanngikkallarnermi ikiorsiissutit pillugit inatsisartut peqqussutaatigut** peqqusutillu assigiinngitsut aqutigalugit periarfissaqartitaanermi aalajangersakkat ilaatigut nammineerluni nalunaaruteqartussaataitanermut tunngasut paasiuminaatsinneqartarnerat pissutaaqataasartoq paasinarpoq. Allatut oqaatigalugu peqqussutit assigiinngitsut tunngaviusut paasiuminaatsinneqartarput, suliffeqanngikkallarnermi ikiorsiissutit pillugit inatsisartut peqqussutaat nr. 5, 1 juni 2006 - meersumi §14-imi utertitsisarnermut tunngasortaani pisartagaqarnerup atuunnerani allatigut isertiartaartoqarsimappat utertitsilluni akiliisarneq atorneqartarpoq, isumaqarnarpoq kommunalbestyrelset ingerlatsivii aalajangiisartut nalilersuinermt paasissutissat inunnut namminermt tungasut aallaavigalugit takusinnaasaraat soq utertitsisoqassanersoq, peqqussummimi tamanna atuuttussatut aalajangersarneqarpoq malitassallu peqqussummi malillugit taamaattussaavoq aalajangersagaammat.

Allatut qanoq aaqquissuussisoqarnissaa allannguutissatut siunnersuuteqarnikkut pisariaqassaaq, oqallinnissamik siunnersuuteqartutuulli isumaqarpugut, tassa naleqqussaanaasaaq pisariaqalersimasooq tapersersuinnarsinnaavarput.

Sulileqqinnissamat ikiorsiissutit aporfijunnaassappata peqqussut naleqqussarneqartariaqarpoq aamma sulileqqinnermi ikiorsiissutaasut ullormiit tassanngaanniit aallartittumik unittarput peqqusut malillugu, imaassinnaavoq peqqussummi ikiorsiissutaasut unittarnerat ullormut akissarsiffimmut unittalersillugit aaqqiisoqarsinnaasasoq taamaaliornikkut sulilereeraluarluni pisariaqartitsineq matussuserneqarpat aamma sulinissamat kajuminnerulernissamat ikiorsiisinnaasoq.

Taamatuttaarlu suliffissamik innersuuneqaralarluni tigusiumanngittarnermt patsissarititaasut sakkukippallaamik atortinneqartarnerat pissutaaqataasooq sulinngikkaanni ajunngitsorsiaqarneru-

nissaq qiniinnarneqartarluni, isumaqarnarpoq ikiorsiissuteqartarnej pillugu sukaterisoqarneru-sariaqartoq, innersuunneqaraluarluni suliumannngikkaanni ikiorsiissutitigut pissarsisinnaaneq ajornarnerusunngortillugu.

Peqqussut kommunalbestyrelsimut piginnaatitsissutaavoq, taamaattumik kommunit aamma ikiorsiissutit tunniunneqartarneranni ajornanngippallaamik tunniussisoqartarsimappat akisussaaqataapput, peqqussummi malillugu innersuunneqaraluarluni tigusiumannngissinnaaneq ersarissunik tunngavissaqassasoq aalajangersagaavoq, taamaattumik sinaakkusiussat sukaterneqarnissaat naalakkersuisunut isumaliutigeqqullugu kaammattuutigaarput.

Inatsisartunut ilaasortap Anthon Frederiksen-ip oqallinnissamik siunnersuutaa soqutiginartoq taamatut isummersorfigaarput, qujanarlu.

Jens Immanuelzen, Siumut